

欽定剿平三省邪匪方略

欽定剿平三省邪匪方略附編卷三

丙寅年

九月十四日

戊午

馬慧裕奏言

臣

前准德楞泰咨

稱叛逆現在東趨有奔鎮安之勢

臣

刻又據差

弁探報賊在鎮安西關焚掠查陝西鎮安縣距

邊界不過五百餘里防守並宜嚴密

臣

已飛飭

派帶官兵之南北兩鎮以及荆子關副將督率

官兵實力實心妥爲防範惟是邊界地方遼濶

前僅調兵二千名實屬過單應請於南北兩鎮
屬各添調兵五百名前赴西坪鎮朱陽關等處
以資截剿

同日全保奏言查寧陝叛逆滋事楚省連界之
鄖縣鄖西竹山竹谿四縣中隔漢江設備之兵
應分兩路現在提臣慶溥帶提屬官兵並鄖陽
防守官兵共二千五六百名作爲一路在鄖西

邊界扼要之上津堡駐紮係漢江以北又派總
兵吉林泰帶宜昌鎮官兵並省標各營官兵共
二千一百名作爲一路在竹谿邊界扼要之關
垭地方駐紮係漢江之南偵探何處有賊卽行
迎剿臣恐兵分見單合計湖北各營官兵連呢
瑪善帶赴陝西者已共調十分之三勢難續派
今擬在湖南附近湖北各營挑派勁兵二千名

以備調用查湖南永州鎮總兵孫清元久在軍
營卽令該鎮統領前來相機會剿至於馬匹一
項爲追賊要需

臣

查荊州駐防兵丁有額馬四

千匹數本寬餘調用實爲近便

臣

飛咨荊州將

軍積拉堪等卽於八旗官馬內挑選四百匹以
二百匹解赴鄖西之上津堡以二百匹解赴竹
谿縣城以備馬隊追賊到境卽可更換至軍需

餉項前經借撥司庫錢糧動支趕辦現查湖北
有應行解京捐監銀十萬兩尚未起解合無仰
懇

聖恩俯准暫留備用俾免短絀臣仍當嚴飭經手各
員撙節支用不致冒濫均奏入

上命軍機大臣傳諭德楞泰方維甸曰本日馬慧裕
差人摺內據稱差弁探報賊匪已至鎮安西關焚

掠現在該撫於原調兵二千名外又添派兵一千
名交兩鎮於西坪鎮朱陽關等處截剿等語該匪
在鎮安西關焚掠距豫境祇五百餘里漸近東北
馬慧裕旣已得信且係差人之摺何德楞泰尚無
奏報方維甸係本省巡撫亦應早經得信何以奏
報杳然殊不可解賊匪自起事以後尚未經官兵
擊剿在德楞泰自爲慎重起見殊不知過於慎重

卽涉畏蕙轉不足以鼓士氣而壯軍威況德楞泰
到陝經旬累月不行攻剿設賊匪聞知轉增賊氣
而附近居民以德楞泰已至陝省總不進兵豈亦
畏賊乎此時客兵雲集必應速行進剿切勿耽延
德楞泰務鼓勵現到之兵痛加剿殺一鼓集事勿
任一名東竄爲要勉之

上又命軍機大臣傳諭馬慧裕曰本日馬慧裕差人

呈遞摺內夾片奏稱據差弁探報叛賊已至鎮安縣西關焚掠距河南邊界不過五百餘里防守益宜嚴密恐地方遼濶請於兩鎮屬再添調兵一千名以資截剿等語寧陝叛賊旣據探報至鎮安縣西關焚掠該撫應卽由驛馳奏乃僅於差人摺內附片具奏殊屬太不曉事馬慧裕著傳旨申飭至賊匪現距豫省邊界不遠自應派調官兵堵剿並

著馬慧裕迎催富翰等迅速前進一俟富翰等到豫卽催探賊蹤如果距豫省邊界已近卽令其會同兩鎮率領豫省現調防邊之官兵三千名迎頭截殺以剿爲堵務須將賊匪逼令西趨毋任向東北奔竄並勿任一名闖入豫境爲要

上又命軍機大臣傳諭全保曰寧陝叛匪本屬無多全保所派本省兵數有五六千名儘足敷堵剿之

用何至輒需湖南兵力所辦太覺張皇著傳旨由
飭仍著將咨調之湖南兵二千名並統領之總兵
孫清元飛行停止本日據馬慧裕奏稱接據差弁
探報賊匪竄至鎮安西關焚掠該處與鄖竹相近
現在呢瑪善帶兵赴陝該督應飛飭就近迎頭截
擊逼向西南勿致闖入楚豫邊界爲要至所奏咨
調荆州滿營馬匹備用之處著照所請辦理其該

省應解之捐監銀十萬兩准其留存備用

十五日

已未

德楞泰奏言據探報賊匪於八月二

十三日竄至鎮安縣屬之沙溝口攻破佳祥寨

寨民間被裹脅復竄至縣屬雲蓋寺攻撲仁邇

寨未破被寨民擊斃賊匪七名該匪旋至縣城

一帶窺探因見城中有備卽於二十五日由石

嘴子直逼孝義廳城乘夜於東北山梁瞰視放

火吶喊城上守禦甚嚴連放鎗礮轟擊相持半
夜賊卽拔營北竄該廳城外關廂居民先經同
知徐雙桂都司梁元凱移避入城未被擾害等
語又據在省司道稟報賊探於二十九日至板
廟子三十日馬步賊匪數百人打旗二三十桿
陸續竄出大峪口經都統祥保督率滿營馬隊
官兵迎敵擊斃在前賊匪二人該匪旋即退入

峪口尚在窺探將軍扎勒杭阿又添派馬隊數百名前往堵截初一日大霧迷漫該匪復乘間竄出峪口沿山西下由子午鎮竄至灃峪一帶滿營馬隊跟蹤追剿至省城內外扎勒杭阿督率司道將備早經防範附近峪口居民亦經搬移入城情形尙屬寧貼其前調寧夏官兵一千五百名據報九月初三四日可到西安并探聞

總兵楊芳帶兵已由東江口前至峪外堵截等

情臣查陝省南山一帶峪口甚多處處可以出

山該匪乘間竄出自係試探官兵虛實現經祥

保帶兵領滿營馬隊擊剿又有總兵楊芳并寧

夏總兵汪啟均各帶兵接續趕到該匪諒不敢

於平原滋擾惟賊匪本有二千餘人總未有官

兵擊剿任意裹脅賊數自必加增今竄出之賊

只數百人或竟係分股抑或前隊出山試探後
隊尚在峪內賊情詭譎未得確信而竄出之賊
勢已西趨棧道一帶亟須有兵截剿此時川兵
尚未到齊臣卽就現有之兵令扎克塔爾楊遇
春督同副都統蘇勒芳阿總兵田朝貴游棟雲
侍衛特依順保彥丕勒副叅領吉勒彰阿副將
祝廷彪遊擊永明國琦張起鰲劉元明等帶領

川北河州固原並楊遇春原調漢中營兵共四千六百餘名取道洋縣進山探剿

臣

亦卽督同

總兵唐文淑協領關喜副叅領克什布委叅領

慶善副將李廷臣馬文斌叅將劉廷斌遊擊楊

登魁涂陞帶領重慶及潼關兵一千二百餘名

由漢中折回褒城前探賊蹤進兵攔截適豐紳

已帶兵一千五百名迎至漢中

臣

卽今隨同前

進又四川將軍特清額聞賊匪滋事之信亦來
營帶兵現亦會合一路數日建昌等營官兵陸

續趕到

臣

等即可一併帶往再

臣

自到漢南一

帶大雨旬日溪河處處盛漲各路軍報多係於

兩岸設立竿繩牽曳接遞本日天氣稍霽而各

處水尚未消當此軍行緊要之時進兵不容刻

緩

臣

沿途察看情形或淌渡或紮筏趁賊匪未

經遠竄之際趕緊逼剿以期迅速肅事奏入

上命軍機大臣傳諭德楞泰曰德楞泰奏賊匪於八月二十三日竄至鎮安縣屬之沙溝口攻破佳祥寨旋由雲蓋寺至縣城一帶窺探復由石嘴子直逼孝義廳城因守禦甚嚴賊卽拔營北竄又據司道稟報馬步賊匪數百人於三十日陸續竄出大峪口經祥保督兵迎擊賊匪退入峪日初一日復

乘大霧竄出峪口沿山西奔由子午鎮竄至灃峪
一帶此次竄出之賊或竟係分股或前隊出山試
探尚未得有確信現在勢已西趨德楞泰派令扎
克塔爾等帶兵取道洋縣進山探剿伊亦督兵接
續前進等語德楞泰總以待兵爲詞逗遛多日以
致賊匪毫無顧忌任意竄突倏東倏西是誰之咎
而德楞泰摺內猶稱總未有官兵擊剿任賊裹脅

能無靦顏耶德楞泰從前剿捕邪匪打仗奮勇威
名素著此次經朕特派前往賊匪等聞知自當心
生畏懼卽該處百姓亦必盼望督師進剿得以早
日成功俾臻寧謐今德楞泰似此遲延日復一日
不特賊匪轉得長其氣燄卽百姓等亦覺大失所
望以爲欽差大臣到來辦賊亦不過如此未免益
切驚惶而賊匪詭譎正可乘此肆其裏脅必致漸

有增多地方益遭蹂躪是德楞泰頓兵不進所致
所辦耽延遲悞本應卽將德楞泰治罪念伊從前
剿捕邪匪歷著勞績此次姑從寬貸仍著傳旨嚴
行申飭責令立功自贖一切機宜朕亦不爲遙制
視德楞泰如何力圖報稱再有稽延嚴譴卽至則
將前功盡棄矣勉之慎之再據摺內稱自到漢南
連值大雨溪河盛漲各路軍報多於兩岸設立竿

繩牽曳接遞等語此又似剿捕邪匪時疲玩惡習
黏詞遷延嗣後不得再以此等浮詞形諸奏牘

十六日

庚申

慶溥奏言竊查鄖竹一帶經督臣全

保咨調各營官兵三千分佈邊界以堵爲剿

臣

正在飛催各營調集適接探報該逆現竄鎮安

一帶滋擾等情查鎮安與鄖西緊接下游各營

官兵程途較遠未能卽時前來

臣

不敢拘泥先

將鄖陽存城官兵挑派三百名馳赴鄖西防守
仍一面趕催下游各營官兵到齊後再分佈鄖
西沿邊一帶勤加偵探預備截剿奏入

上命軍機大臣傳諭慶溥曰寧陝叛賊前經東竄鎮
安楚省鄖竹一帶毘連陝境在在均關緊要慶溥
馳抵鄖陽防堵鄖陽二竹一帶已有三千兵力儘
足敷用自無庸再行添調昨據德楞泰奏稱賊匪

竄擾鎮安縣屬之沙溝口攻破佳祥寨復又分股
竄出峪口沿山西奔由子午峪竄至灃峪一帶是
賊勢又已折回西竄賊匪狡譎伎倆朝東暮西並
無一定趨向慶溥駐紮邊境應將所帶之兵聚集
一處不可四散分佈轉致見單一面確行偵探如
有賊匪竄近卽督飭官兵上緊躡擊以剿爲堵

十七日

辛酉

倭什布奏言

臣

連日接據探報賊匪

竄至鎮安縣屬之沙溝口攻破佳祥寨又竄出
峪口沿山西奔現至郛縣盤屋縣內副都統祥
保已帶兵跟追總兵楊芳等亦覓路兜剿北面
平原可以無慮惟該逆旣向西趨必由斜峪關
或寶雞縣入山冀由棧道一帶南竄且臣營內
拏獲賊探魏魁秦添文二名據供賊匪欲由寶
雞入棧從兩當徽縣繞至漢南等語又據咸寧

縣稟報差役劉忠等在峪口拏獲騎馬賊探偽
先鋒楊昇一名亦據供稱欲由棧道竄往川省
等情是該逆西奔之勢已確查斜峪關以下可
通棧道之路甚多現在惟有多派弁兵分投偵
探視該匪由何路竄來

臣

卽帶現有之兵由何

路趕往迎擊至所獲魏魁秦添文二名一係寧
陝左營兵丁一係留壩江口營兵丁均經從賊

謀逆其僞先鋒楊昇一名係寧陝中營兵丁得
受僞封均屬罪大惡極

臣

於訊明後將該三犯

均臠割梟示再靖遠協副將吳亨衍現據報稱
親母病故例應丁憂回籍該員久厯戎行辦事
熟諳現在軍務喫緊之際未便遽易生手仰懇

聖恩將吳亨衍仍留靖遠協副將之任隨

臣

軍營辦

事俟事竣後再令回籍補行穿孝奏入

上命軍機大臣傳諭倭什布曰賊匪竄出峪口現在
郭縣盤厓境內該匪勢向西趨自必思由棧道一
帶南竄倭什布膺總督重任地方遇有軍務責無
旁貸若非特派德楞泰前往卽該督應行專辦之
事此時賊匪業已西竄可通棧道之路甚多德楞
泰現已由褒城留壩一帶自南而北倭什布於德
楞泰未到之先務須就現有兵力確探賊蹤趕緊

迎擊勿令遠竄如得勝仗先卽據實具奏以慰厯
念又據奏靖遠副將吳亨衍在營聞訃丁憂請仍
留任隨營等語吳亨衍准其仍留靖遠協副將之
任隨倭什布軍營辦事俟事竣後照例回籍補行
穿孝

同日馬慧裕奏言臣據探報陝省逆賊於初一

日竄至咸寧縣屬之尹家灣卽經副都統祥保

帶領滿兵截回復由子午峪奔赴東江口等語
查東江口距豫約在五百里以外程途尙遠且
商州一帶復有總兵呢瑪善帶領湖北官兵在
彼迎截賊匪此時斷不敢東竄毋須留富翰等
在豫臣俟富翰等行抵豫境當卽囑其帶領官
兵速赴德楞泰軍營聽候調派其所需車馬供
頓事宜均已妥爲預備奏入報

聞

十八日

壬戌

德楞泰奏言

臣

於十一十二等日接

據探報叛匪全隊二千餘人乘夜陸續俱出大
峪因有滿營馬隊分佈防堵仍沿山西竄子午
峪又探知總兵楊芳之兵將出峪口該匪遂亦
西竄跟上前隊賊蹤初六日由鄠縣之宋村杜
家莊一帶直逼縣城南門攻撲該縣城內有

臣

先行派往防守之軍標一百名在彼當經知縣胡晉康會同軍標千總羅萬春及本城把總教職佐雜等督率兵丁民壯連用鎗石擊打賊匪分投復至東西兩面攻撲城上用鎗礮擊斃賊匪十數人民勇王祿用石打賊被賊礮轟死賊匪在近城及湖廂一帶焚掠時近一晝夜未退初七日晚楊芳由子午鎮帶兵趕到該匪遂退

至離城五里之白楊寨屯聚時已昏黑楊芳之
兵亦卽在近賊屯紮之處該匪於半夜連撲營
盤五次楊芳首先督率所帶新兵奮力擊打左
膀被賊矛戳傷雖已穿透尚不甚重兵丁帶傷
數名因見本官受傷抗拒益力將賊連次擊退
初八日黎明時寧夏總兵汪啟挑帶寧夏騎馬
備弁趕到副都統祥保挑帶馬隊數百名趕來

接應將軍扎勒杭阿亦帶領馬步官兵馳往聲
援賊始稍退楊芳官兵出營追賊生擒騎馬賊
目王允吉一名散賊陳保太李才二名割獲戴
藍頂花翎賊匪首級一顆賊隨竄逸已離城三
十餘里等情查臣前因新兵難信而楊芳平日
尙能籠絡駕馭是以

奏明令其管帶一千數百名自爲一路剿賊不令

搭配陳兵藉以覘其向背今楊芳能首先督率
迎敵帶傷後並不退縮俾新兵等齊心用命尙
知愧奮自贖而新兵竟能合力相持寔已與賊
勢不兩立不惟反側之意已消並可堅其殺賊
之念似此情形賊匪斷難煽誘帶兵之員卽可
專力任用卽使與陳兵台隊彼此亦不致猜嫌
臣
等於會兵合剿之時亦可免一切顧慮成功

必速洵堪上慰

聖懷現據盩厔縣稟報該匪由該縣祖安鎮焦家鎮
竄至接觀臺距該縣城三四十里均在鄠縣之
西楊芳躡蹤追剿總兵汪啟催調寧夏步隊一
千名與楊芳合爲一路其已抵鄠縣之西安馬
隊四百名卽暫留於該縣防守以爲楊芳汪啟
等援應又節據各處拏獲賊探供稱該匪欲由

鄜縣斜峪關竄入棧道至甘省兩當徽縣繞出

漢南與臣前在洋縣連次所得賊信相符是以

臣卽帶重慶及潼關兵一千二百餘名於初六

日折回以顧西路初七日行抵褒城因沔縣城

守空虛當將所帶潼關兵二百名派令協守適

豐紳帶領省標及松潘兵一千五百名迎來會

合當帶領前進途次建昌新疆等營官兵二千

名亦分三起先後趕來統計現兵有四千數百
名刻卽督同特清額豐紳唐文淑等兼程探剿
十三日已抵鳳縣隨探隨進賊若西來卽可迎
頭痛剿並兼顧竄甘之路至扎克塔爾場遇春
等帶兵五千餘名現由洋縣華陽盤屋二郎壩
探蹤進剿一得賊匪西竄之信自卽躡蹤前來
與臣兩面夾擊其呢瑪善所帶之兵已由郎西

山陽一帶前來東路可資屏蔽總之東西南北
四路俱已有兵隨賊竄向何處俱可痛加剿洗
斷不致任其遊奕肆竄所有擒獲賊目王允吉

並夥賊陳保太李才三名已飭令訊明卽行正

法現在臣營又拏獲賊探唐貴山一名訊係隨

同西江口兵丁起事賊匪亦經正法示衆所有

賊營起事首逆臣節經研訊賊探據供首逆係

陳達順陳先倫王俸其一同起事著名逆犯係
王文龍蒲拜子田洪全陳才劉月盛康朝俸索
貴吳老五劉興宋發元董貴孫發王天才林大
武並另有與陳才同名一賊近又添有楊昇楊
俸劉標羅姓歸姓等僞先鋒六七人如王允吉
等打旗賊目尙有十數人不能悉知姓名其苟
文興在賊營近日亦稱先鋒常與陳達順蒲拜

子等爲一路並稱賊在大山岔時推蒲拜子卽
蒲大芳爲大元帥諸賊皆聽調遣等情統俟臨
陣擒獲時訊明分別嚴辦再臣適接扎勒杭阿
來信並省城司道稟報扎勒杭阿於楊芳打仗
後親至軍營看視見楊芳左膀所帶矛傷雖已
穿透尙未傷筋著骨而胸前尙有劃傷三處幸
不甚重尙可帶兵打仗等語奏入

上命軍機大臣傳諭德楞泰曰德楞泰軍營現在豐
紳所帶松潘鎮安及建昌新疆等處官兵先後趕
到統計已有兵四千數百名扎克塔爾楊遇春等
亦帶兵五千餘名合計已有萬餘兵力不爲不厚
據德楞泰奏稱東西南北四路俱已有兵隨賊竄
向何處俱可痛加剿洗等語賊匪祇有一股不過
二千餘人脅從居十分之六七兇悍者僅六七百

人以如許兵力加以東三省勁旅有何難辦既稱
官兵將賊匪四面圍住務卽乘此兵威勉力辦理
一鼓殲除竝聽奏捷佳音切勿稍有延緩至此
賊匪由鄆縣之朱村杜家莊一帶直逼縣城南門
攻撲經楊芳督率所帶新兵奮力擊剿斃賊數十
人並生擒賊目王允吉一名及陳保太李才二名
並割獲戴翎頂賊匪首級一顆賊鋒已挫可見新

兵現在出力打仗德楞泰應將新兵加倍獎勵明
白曉諭不但潛消其反側更可令其鼓舞效命於
剿捕更易蕺事楊芳前因該管營兵滋生事端繼
而又不趕緊追賊經德楞泰奏業經降旨革去
翎頂此次督兵攻賊受有矛傷尙屬奮勉出力楊
芳著加恩先賞還頂戴令其勉力剿賊以觀後效
所有此次起事各首逆及有名賊目務須一律擒

獲按律嚴辦毋任一名漏網此爲最要

欽定剿平三省邪匪方略附編卷四

丙寅年

九月二十二日

丙寅

上命軍機大臣傳諭德楞泰曰前據德楞泰奏新兵
擊剿叛賊已挫兇鋒並稱各路官兵四面圍布隨
賊所向俱可痛加剿洗等語看來德楞泰辦理已
有把握現在又閱數日計德楞泰一路軍營所帶
之兵已有四千數百名扎克塔爾楊遇春等所帶

之兵已有五千餘名爲數共有萬餘此外溫春桑
吉斯塔爾薛大烈富翰等所帶巴圖魯侍衛東三
省勁旅亦可先後到齊兵力不爲不厚況新兵齊
心用命俱知殺賊敵愾於剿捕更易爲力此時叛
賊不過二千餘人脅從者十居六七兇悍者僅六
七百人接仗一二次即可全數掃蕩德楞泰惟應
鼓勵將士奮勉圖剿務於十月內蒞功竣事愈速

愈妙不可稍有延緩爲最要至此次叛賊滋擾非
如從前教匪分股四竄人數衆多者可比一經辦
竣卽無須復議留防致滋糜費若接仗獲勝後賊
勢已就殘敗爲數無幾無需多兵剿辦所有征調
未到之兵如川省屯練等項俱可飛咨停止其已
到之兵並應酌量遠近陸續遣撤至兵丁等食糧
入伍遇有緩急方賴以資捍衛乃此次叛賊並非

地方文武激變竟以停止米折爲詞戕官肆擾實
爲從來罕有之事且此等叛賊多係從前習教之
徒經朕格外施仁從寬准其入伍今竟不知安分
守法殊堪痛恨必須大加懲創以昭炯戒德楞秦
務須將叛逆各犯按名擒獲無使一名漏網除在
該處軍營分別凌遲正法外酌留二三名起意爲
首要犯解京卽令帶兵勇健之員如富翰等酌派

一二員押解護送來京候朕廷訊盡法處治以彰
憲典德楞泰惟當趕緊剿辦擒獲巨夥殄除餘孽
用副委任承受厚恩勉之又勉仍將現在剿辦情
形迅速奏聞以慰廑注

二十四日

戊辰

勒保奏言

臣

查刻下陝省勁兵雲

集賊匪定可悉數殲除但恐有打散餘孽闖入
川疆官兵遠躡窮追馬力疲乏自應預爲喂養

以備更換乘騎

臣

已親自挑派省城各營馬二

百匹派委員弁分起解赴綏定府點交達縣預
備喂養至軍糧尤爲要務從前剿捕教匪案內
係將軍糧運貯各寨每遇大兵臨近卽可就近
供支最爲妥便今硃寨大半荒廢祇可將軍糧
運交沿途各廳州縣倉內或尙有一二完善硃
寨亦酌爲備貯一有追兵臨境趕運供支不悞

兵食臣已飭重慶順慶二府所屬州縣就近先

行碾運廣元等六縣州縣米石二千石以備兵

臨支發其保寧府之閬中縣綏定府之達縣爲

川東川北適中之地另各撥米三千石隨時就

近接濟現在軍需項下並無存銀業於司庫暫

撥銀十五萬兩分別應用

同日方維甸奏言臣查此時軍糧緊要漢南爲

產米之區自應就近採買惟大兵追賊入山東
西靡定從前寨堡貯糧最爲良策臣現已分飭

沿山及山內州縣擇堅固寨堡預行分貯軍糧
俾官兵於經過時可隨地支取又現聞德楞泰
率領大兵擬由褒城入棧截剿復飭鳳縣趕緊
採買米五百石分貯縣城及棧東棧西各寨堡
以備供支仍一面飛飭南鄭縣跟營尾運再溫

春等帶同巴圖魯侍衛官兵不日到陝須先期
預備馬匹臣前飭令藩司朱勲於省城辦馬五
百匹并咨商督臣倭什布在甘省各營內調河
州馬二百匹固原馬三百匹陸續解陝此外尙
有倭什布准德楞泰

奏明調赴邊界備換之甘涼馬二百匹現均分別
喂養預備不致貽悞再查從前教匪滋事調用

本省官兵每月應支鹽糧俱與外省剿兵照出
日例一體支給搜捕時亦照此例辦理所有此
次調用官兵應請一律支給奏入

上命軍機大臣傳諭勒保曰此次陝省叛匪滋事特
派德楞泰前往剿辦據節次奏報賊匪不過二千
餘人卽以所調川兵而論已不啻三倍於賊兼之
陝甘湖北調集兵力又益以東三省勁旅合計幾

及二萬而以之剿捕么麼叛賊何難剋期撲滅乃
德楞泰到陝業已月餘尙未將賊匪痛剿似此厚
集師徒仍不及鋒而用以期一鼓集事豈不徒餒
士氣而虛糜糧餉乎勒保與德楞泰前在川共事
素稱和衷但總當以國事爲重著勒保卽查訪德
楞泰日从不與賊匪接仗究竟是何主見有無意
爲延緩之事據實密奏不可徇隱

上又命軍機大臣傳諭方維甸曰現在陝西大兵雲集所需糧餉馬匹自應預爲籌備但不可過涉張皇卽如此次派往之巴圖魯侍衛及東三省勁旅不過一百餘人何至需用馬匹多至數倍該撫惟常鎮靜辦理勿致煩擾虛糜爲要又軍營所調隨征官兵據方維甸奏明將本省所謂官兵照剿兵舊例一律支給鹽糧卽照所奏辦理以示體卹

上又命軍機大臣傳諭德楞泰曰前據德楞泰奏新兵剿捕叛賊情形迄今又閱九日並未續有奏報甚爲懸盼現在叛賊只有一股不過二千餘人脅從者十居六七其實恣兇悍之賊僅止六七百人卽以德楞泰所調川省官兵而論爲數已三倍於賊况此外所謂甘省河州兵一千五百名固原兵一千五百名湖北兵二千名西安軍標兵一千二

百名陝安鎮標兵一千餘名合之倭什布所帶之
兵及楚豫等省調撥截剿者爲數已至二萬加以
溫春富翰等先後帶往東三省勁旅統計官兵不
止十倍於賊又兼新兵齊心效命敵愾同仇德楞
泰當此大軍雲集之時亟應鼓其銳氣一舉蕺功
乃日久稽延並未痛加剿辦殊不可解從前剿辦
教匪帶兵大員每藉口以兵力單微供億支絀今

則自叛賊起事之時早將官兵糧餉寬爲調備何
以德榜泰坐擁重兵尙未痛剿試思官兵安住軍
營並不剿賊接仗不惟餉項虛糜徒滋繁費且以
奮勇趨健官兵不令及鋒而試必致積久銳氣漸
消而叛賊剗掠自如益無顧忌地方日滋蹂躪該
處居民日擊軍營調集多兵不卽誅除逆匪一任
叛賊肆意荼毒人心亦皆渙散難保不去而從賊

尚復成何事體德楞泰膺茲重任如此懈緩竟不知其是何居心豈不欲賊匪速平乎德楞泰惟當勉思振奮上緊剿除務于十月內蒞功竣事不可稍有延緩致前功盡棄凜之慎之

二十七日

辛未

德楞泰奏言查賊匪在盤屋那縣

一帶沿山奔竄有由寶雞益門鎮西竄甘境之

勢

臣

帶兵趕至寶雞渭河南岸星夜取道兜剿

適薛大烈溫春榮吉斯塔爾帶領巴圖魯侍衛
勁兵趕到會合隨由益門鎮一帶隨探隨進扼
賊竄甘之路該匪偵知西路有兵卽由郿縣斜
峪關南竄桃川五里坡一帶臣因扎克塔爾等
一路官兵距賊更近當經飛飭迎頭截剿二十
一日接據扎克塔爾楊遇春等稟報十八日探
知賊匪在塘口子好古堆一帶竄擾隨公同籌

商扎克塔爾同總兵田朝貴遊擊張啟鰲劉元
明國琦等帶步隊官兵由盤汊河順梁前進楊
遇春同總兵游棟雲副將祝廷彪遊擊永明等
帶步隊官兵由小罐口沿山前進副都統蘇勒
芳阿侍衛特依順保彥丕勒副叅領吉勒彰阿
佐領巴杭阿等帶領馬隊官兵由梅凹順溝前
進分兵三路於四鼓發隊天明齊抵良玉地方

遇馬步賊三千餘人蜂擁而來扎克塔爾等督
率官兵奮力直撲鎗箭齊發賊首偽總元帥蒲
拜子卽蒲大芳率衆首先衝來我兵直前攪殺
刀矛並舉戮傷蒲拜子胸腰數處滾跌下馬旋
被賊衆搶回登時殲斃賊匪數十人賊始敗退
馬步官兵乘勢追歷三十餘里直抵拐里該處
地勢散漫該匪恃其人多又有後夥伏賊接應

四百分頭圍繞意圖抄截毫無畏怯我兵與賊攪殺自辰至午衝壓數次又斃馬步賊匪五十餘人該匪始向後山敗竄我兵追至山根賊匪分屯四山猶復抗拒扎克塔爾楊遇春等遂於方柴關扼要暫紮視賊所向再爲進剿此次打仗共計擊斃賊匪一百數十人帶傷之賊三四百名生擒賊探偽先鋒彭貴等十二名夥賊四

十六名賊首蒲拜子僞先鋒任入後俱身受重
傷僞總兵陶姓受傷身死官兵內西安佐領巴
杭阿左膝受傷河州千總候補守備趙洪周腿
被子傷穿透又陣亡額外外委石從德一名此
外間有傷亡者容查明分別咨部辦理訊據僞
先鋒彭貴供稱係西江口營兵前由鄉勇食糧
此次寧陝華陽鬧事之兵到西江口叫我們七

八十人隨同前去我就當了探馬頭屬陶總兵
管轄賊營共有馬步隊三千餘人蒲拜子一人
總管大家俱聽他指揮前日原要走寶雞由甘
省秦州兩當竄往四川因探知大兵已來卽從
斜峪關入山十七日到塘口子探得又有兵來
蒲拜子等計議要與官兵決一死戰好由棧道
過四川去不料官兵利害將我們殺傷甚多蒲

元帥任元帥帶傷甚重我被官兵活捉等情扎
克塔爾等現將拏獲賊匪五十八名解至

臣軍

營俟

臣

訊明分別辦理後另行具

奏此番痛剿賊衆實已大挫兇鋒據扎克塔爾等
來信該匪被剿時有首逆在陣前跪稱情愿投
降者

臣

逆料賊情詭譎見大兵齊集欲圖藉此

緩我兵力以便奔逃其言未可深信況該匪等

罪大惡極實爲覆載所不容斷無寬恕之理自當乘此兵力將爲首各逆及曾經攻城焚掠之衆悉數殲除以示懲創而杜後患現在賊匪屯紮之處可通進口關安河一帶臣已督同各路

官兵就近馳至方柴關一帶與扎克塔爾楊遇春等會合籌商分途兜截楊芳汪啟之兵亦已飭令會合一處趕緊圍剿呢瑪善之兵日內行

抵陝境

臣

已令迅速馳來會合其川省屯土官

兵已分起行過成都山口山寧羌入棧

臣

因桑

吉斯塔爾帶慣土兵管束調遣較爲得力已令

馳往鳳縣留壩一帶齊集管領將軍特清額現

往倭什布一路會合自須添給兵力

臣

已酌撥

川兵交令帶往鳳縣一帶協同倭什布探剿萬

一賊匪由進口關等處西竄桑吉斯塔爾所帶

土兵卽可與倭什布等約會合力堵截此時生
力之兵厚集隨地緊躡窮追無論賊竄何處總
不予以片刻之暇自卽立見窮蹙

臣仰蒙

聖主畀以軍旅重任叛匪早一日完結卽可早一日
上慰

聖心臣亦可早一日回京斷不敢有意耽延自干嚴

譴奏入

上命軍機大臣傳諭德楞泰曰此次賊匪由斜峪關
南竄肆擾經扎克塔爾等一路官兵迎頭截殺殲
斃賊匪一百數十人生擒偽先鋒彭貴及夥賊五
十八名並戮傷賊首蒲拜子及偽元帥任八後尙
有偽總兵陶姓受傷身死其餘帶傷之賊尙有數
百看此光景賊勢竟無能爲從前邪匪滋事時其
兇悍首逆如高三馬五之類每與官兵接仗均係

在後觀望不肯輕易上前得利則進否則乘機竄
逸詐詭萬狀是以殲獲甚難今該首逆蒲拜子初
次與官兵接仗卽首先衝突我兵因得認明指戳
刀子並舉傷其胸腰數處滾跌下馬幾被擒獲其
毫無伎倆可知設彼時有東三省官兵在陣竟可
將該逆殲斃今該逆雖倖獲延喘而氣已衰餒亦
不難乘勢追擒德楞泰務當督飭各路將領視賊

所尚設法圍攻務期一鼓殲除不可懈緩試思此
次接仗之時東三省官兵及川省屯練均尚未趕
到而業已得有勝仗是綠營官兵亦能出力未始
不可用以剿賊况現在東三省及川省屯練官兵
又已次第齊集兵威愈壯剿此潰竄無能之賊又
復何難德楞額務須遵照昨旨趕緊辦理期於十
月內一律蒞事至此次官兵剿賊時據稱有首逆

在陣前跪請乞降者德楞泰以其罪大惡極斷無寬恕之理所見甚是此次大兵專辦叛賊伊等身隸營伍敢於糾衆謀逆已犯不赦之條豈能再爲寬宥但賊營內現有二千餘人未必全係叛逆或亦有沿途裹脅爲炊爨服役不得已而從賊者此等爲從之犯若未經抗拒官兵則尙有一線可原當此大兵雲集若已畏懼潛逃竟可置之不問倘

臨陣乞降或殺賊自贖均可量爲寬貸德楞泰并
當廣爲曉諭多設間諜卽將如此分別辦理之法
宣播賊營旣使從賊之人早知去就且使真正賊
匪聞之心生惶惑立時潰散庶蕝事更可迅速如
日內速得勝仗又經剿散千餘人其所剩之賊亦
不過千餘人或擒獲著名首逆數名著卽由六百
里加緊馳奏其所獲首逆如受傷已重難於解京

卽著在彼鑿割梟示若首逆內有未受重傷者卽
遵照前旨迅解二三名到京候朕廷訊盡法處治
現在蒲拜子一名如續經擒獲視其受傷輕重酌
量辦理其著名各匪犯總不可使一名漏網稽誅
是爲至要所有此次遇賊打仗左膝受傷透骨之
西安佐領巴杭阿著加恩以協領陞用其腿被矛
傷穿逸之河州千總侯瑞守備趙洪周著加恩以

守備卽補尙或傷重不治卽應照陣亡例賜卹其陣亡之額外委石從德卽照外委例賜卹此外傷亡官兵亦著查明照例辦理

十月初四日

丁丑

德楞泰奏言

臣

因賊匪敗竄之

處可通安河進口關一帶入棧之路甚多

臣

督

同薛大烈豐紳溫春等趕抵方柴關與扎克塔爾楊遇春等會合卽商令扎克塔爾楊遇春並

楊芳之兵共爲一路由兩河緊躡窮追

臣

同薛

大烈等帶兵由進口關遏截緊顧西北竄甘之路一面知會倭什布特清額派兵於鳳縣圭崖寺一帶設伏扼賊入棧之路屯土官兵已接續行至褒城留壩一帶

臣

卽令桑吉斯塔爾馳往

管帶扼賊西竄黑河之路兵分四路碁布星羅賊探四出偵知處處有兵不能遠竄卽在白蟒

寺空觀子一帶屯聚二十四日扎克塔爾楊遇
春楊芳之兵趕到該匪尙欲拒敵適正前敵薛
大烈豐紳溫春等帶領巴圖魯勁兵並四川松
潘等營官兵趕到該匪震懾軍威首逆蒲大芳
王文龍等率領多人至陣前拋棄兵仗環跪痛
哭乞命惟首逆陳達順陳先倫尙在後隊督催
戰手迎敵薛大烈扎克塔爾楊遇春等當以該

匪窮戚求饒斷難寬恕且後隊賊匪尙在吶喊
迎拒可見降順並非木心隨令施放鎗礮弓箭
蒲大芳等大哭聲求情愿自將首逆縛獻只求
暫緩進攻扎克塔爾楊遇春等將計就計暫止
鎗礮蒲大芳等遂奔回賊營約半日許果將陳
達順陳先倫並幫同陳達順齊隊之江口營賊
首向貴一併捆縛送至大營蒲大芳王俸王友

龍劉月盛苟文興等大小賊目二十餘人一併
同至大營哭求饒命並稱願將投順叛賊並隨
同滋事遊匪及裹脅百姓共計四千餘人分爲
數處屯紮聽候查辦維時臣後隊已到當經扎
克塔爾薛大烈楊遇春面稟情形隨訊據蒲大
芳王文龍等供稱當日起事原係陳達順陳先
倫二人主謀殺護鎮楊之震署遊擊羅全亮亦

伊二人喝令動手故不敢前來投降尙存齊隊
抗拒我等當日祇係隨聲附和等情質之陳達
順陳先倫供認不諱詰以在洋縣攻城殺官何
人爲首陳達順直認不辭其兇狠之狀實堪切
齒至向貴一犯訊明雖非兵丁實係江口遊棍
先糾約叛匪羅玉等應賊自認攻城破寨抗拒
官兵歷歷如繪此等起事首逆斷不可稍稽顙

戮卽將該犯等鄉赴營門櫛割處死並安設護
總兵楊之震署遊擊羅全亮署洋縣知縣曾彰
泗牌位委官致祭以彰

國憲而慰忠魂仍傳首滋事各地方營縣俾百姓
共爲洩忿快心各營汛新兵亦得知所警戒正
在分別查辦間據楊芳馳來面稟有隨賊滋事
遊匪並洋縣等處監犯及軍流等犯約計一千

數百人於二十五日半夜拔營逃赴留壩江口
一帶該鎮告請馳往截回賊首蒲大芳等跪求
情願跟隨楊芳前去拏賊臣姑允所請爲以毒
攻毒之計二十六日楊芳挑帶新舊官兵並同
蒲大芳等大小頭目二十餘人緊蹙兜截扎克
塔爾楊遇春薛大烈豐紳溫春接續馳往趕至
江口該匪正欲起隊南竄當經楊芳官兵截住

扎克塔爾楊遇春薛大烈等亦接踵而至於賊
隊中訊出起意逃竄匪徒朱有貴李得吳大才
唐俸周得五名當經用矛攔截立斃夥匪等畏
懼隨即停紮扎克塔爾楊遇春薛大烈楊芳等
以叛賊遊匪皆蒲大芳等所帶遊匪既有反覆
則叛賊之投降亦難憑信當向蒲大芳等嚴加
詰問蒲大芳等情願派出數人即將叛賊遊匪

及被裹難民分別造冊呈送核辦

臣

伏查賊首

蒲大芳等因官兵四路圍逼窮蹙乞降本當於陣前悉數剿洗但人數衆多恐玉石不分且該犯等既將起事首逆陳達順等獻出同楊芳將遊匪等截回其情似尙可信此時叛賊及遊匪等不下三千餘人既據聲稱願降自應仰體

皇上好生之德不便概予誅戮卽蒲大芳等雖係首

逆業已率衆乞降尙知悔罪亦似未便卽予駢
誅轉致人生疑懼只可俟大局辦定再爲請

旨分別懲創現在叛賊遊匪等俱在江口一帶屯紮

楊芳卽於該處帶領官兵彈壓

臣

督同扎克塔

爾薛大烈楊遇春豐紳蘇勒芳阿並各鎮將厚

集兵力在西河口一帶駐紮距賊僅十餘里倭

什布特清額帶官兵一千餘名移駐鳳縣三岔

驛桑吉斯塔爾帶領土兵二千名駐紮留壩皆
與賊屯相近俟該匪呈送冊籍到營臣體察情

形隨機辦理受降如受敵總當萬分慎重斷不

敢將就了事再扎克塔爾楊遇春等前在良玉

地方臨陣生擒賊匪彭貴等五十八名臣當卽

發交委員分別研訊內彭貴一名係西江口兵

丁與先鋒羅玉一同起事充當探馬頭供認會

經攻城破寨卽凌遲處死又徐升楊順等三十
八名訊明或當矛手或作賊探或隨同在洋縣
城內焚掠俱屬法無可貸當卽正法其餘王興
等十九名俱係百姓被賊裹脅當卽就近發交
寶雞縣分別給予路票資送回籍又洋縣稟報
拏獲賊探岳貴江口營叅將張聯奎稟報拏獲
賊匪唐升長安縣稟報拏獲賊匪張明得俱經

批令確訊罪無可寬亦卽正法

同日方維甸奏言查此次剿賊節次調兵甚多
共計二萬數千名所有甘肅川省及本省官兵
借支行裝及鹽菜軍火鍋帳臺站需用較繁其
兵糧一項尤須乘此秋收之後趕緊採買運貯
各寨礮隨處供支方可無虞節次據西安軍需
局司道詳報動撥司庫新舊地丁銀四十萬兩

以爲軍需支用臣仍督同該司道等按照定例
章程供支應發仍不時留心查察不得稍有糜
費如能迅速藏事卽可將餘剩軍糧分撥歸倉
以實倉儲均奏入

上諭內閣曰本日遞到德楞泰六百里奏報據稱官
兵追剿賊匪於兩河進口關及褒城留壩等處分
爲四路碁布星羅該匪震懾軍威賊首蒲大芳卽

蒲拜子王文龍等率領多人至陣前拋棄兵仗環
跪痛哭乞命將陳達順陳先倫並幫陳達順齊隊
之江口營賊首向貴一并捆縛送至大營當經德
楞泰訊明鬻割處死蒲大芳等復將匪徒內起意
逃竄之朱有貴李得吳大才唐俸周得五名用矛
戳斃夥匪等畏懼停紮現在德楞泰督同將領官
兵就近駐劄隨機辦理等語陳達順身充寧陝新

兵敢於糾約匪徒倡謀叛逆攻城擄掠戕害官昌
肆意竄擾實屬罪不容誅前因其裏脅漸多奔竄
無定特派德楞泰統兵查辦德楞泰到彼率領扎
克塔爾溫春薛大烈及楊遇春楊芳等嚴密布置
分路進攻初次進仗卽大挫賊鋒茲復緊跟追剿
該逆等畏懼軍威痛哭乞降并將首逆陳達順陳
先倫向貴等捆縛送出山當經臬司處死其在後拔

營欲逃之一千餘人又經該犯等隨同官兵前往
截回將起意匪徒朱有貴等五名一併用矛戳斃
現在賊夥等四千餘人俱在江口一帶停紮聽候
查核辦理實爲迅速德榜泰著交部議叙並賞給
黃綬大荷包一對小荷包四個以示優獎其隨同
帶兵之扎克塔爾溫春薛大烈楊遇春一併交部
議叙並各賞給小荷包四個至楊芳此次在前敵

剿賊亦屬出力本應一體議叙但前此於該管新兵未能妥爲彈壓以致陳達順等叛逆滋事其咎甚重是以將伊革去翎頂令其帶罪立功嗣因其殺賊受傷尙爲勇往業經賞還頂戴並著賞還花翎毋庸另給議叙

上又諭內閣曰寧陝叛逆滋事正當秋禾成熟之時該省被擾地方田禾俱有損傷並有焚燒房屋戕

害人口之事應行撫卹著加恩凡係難民概行賑卹兩個月折色口糧至被燒房屋與被害人口俱著照例賞給銀兩所有賊擾地方應徵新舊錢糧鹽課及本色糧石著加恩先行緩徵以紓民力

同日

上命軍機大臣傳諭德楞泰曰德楞泰奏官兵四路擊剿賊匪環跪請降窮感乞命並先將起事首逆

兵亦當酌量道途遠近陸續遣撤其巴圖魯侍衛官兵及東三省勁旅此時既無剿辦之事即可交原帶之溫春等分起帶回不獨節省糜費亦可令其早就寧居此時善後應辦之事尙復不少德楞泰自當在彼多住時日乘此兵威大加整頓務期事事完善永臻寧謐方可回京若草率了結恐滋流弊不可不悉心妥辦庶可一勞永逸現在叛賊

乞降尙加恩宥其守法之新兵斷無復行查辦之理但此項新兵聚集一處終非妥局從前原議與各營陳兵分四六配搭該省竟未能照此辦理致有今日之事茲正當軍聲大振之時或一面將新兵等加以鼓勵一面設法將伊等分隸各營使之散而不聚并須令各營陳兵數倍於新兵方足以資鈐制或將來於新疆兵丁應行換班之時是否

可以酌量調遣之處亦密爲妥議德楞泰惟當不
動聲色相機妥辦統俟善後辦竣大兵方可全撤
至方維甸前因剿賊之時無須伊在彼同辦是以
諭令回省現在善後事宜關係地方者甚多著該
撫卽帶同臬司素納並酌帶妥幹道府大員馳往
德楞泰軍營會晤悉心商酌務期軍心鎮定日久
不復再滋事端方爲妥善其省城地方事務著仍

交朱勲在省督辦又本日方維甸奏稱此次剿賊
調兵共有二萬數千名所有借支行裝及鹽菜軍
火等項需用較繁動撥司庫地丁銀四十萬兩應
用該撫發摺時自尙未知軍營大局已定茲官兵
正當次第撤減該撫務須嚴飭司道等撙節支發
核實辦理所有先經採辦軍糧如可無需支給應
卽分撥歸倉以實倉儲

初八日

辛巳

方維甸奏言竊

臣

接據探報賊匪經

扎克塔爾進剿之後賊目王文龍等將首逆陳

達順陳先倫捆獻乞降現在江口屯紮德楞泰

馳奏到日自蒙

聖明指示機宜欽遵妥辦惟是此等狡黠之徒一時

畏死悔罪固出真誠而其桀驁之性忽叛忽降

日久終難深信此時幸貸一死已屬格外

天恩設令仍歸原伍聚處南山竊恐復留後患且出
內居民素畏新兵擾累又恨賊匪殺掠兵民仇
隙已成亦難相安無事現在寧陝各標營兵房
大半爲賊焚毀不敷居住是以新兵事故出缺
及叛賊所遺名糧俱飭令無庸募補今若將乞
降賊匪復歸原營補額又須照原設營汛兵房
全行修建不特趕辦不及抑且因此降賊糜費

帑金十數萬兩尤爲不脛據中愚昧之見除起意
投降及縛獻首逆各賊目聽候

諭旨外其餘叛賊如蒙

恩宥卽當乘此大兵未撤之時明白曉諭全收器械
資遣回籍交本處地方官管束該匪等旣懾兵
威又當搶掠罄足之後亦願各歸鄉里自不致
別生枝節至此外投往賊營之無賴匪徒不下

一二千人允應全數資遣回籍斷不便入伍補
額致蹈覆轍復滋事端臣爲預杜南山後患起
見據實密陳伏候

聖明指示辦理奏入

上命軍機大臣傳諭德楞泰方維甸曰前據德楞泰
奏報賊匪震懾軍威環跪請降窮感乞命當經降
旨令德楞泰於賊匪造冊呈到時詳加酌核分別

定擬奏聞候旨辦理並令方維甸帶同臬司素納
馳往軍營與德楞泰會晤商酌今方維甸慮及賊
匪乞降後設仍令歸原伍聚處南山恐留後患等
語焉有此辦理之法試思該逆等本以食糧入伍
新兵膽敢糾衆戕官焚掠裏脅實屬罪不容誅今
既震懾軍威縛獻首逆乞降悔罪於萬無可貸之
中寬其一線生路已屬法外施仁若令歸入原營

將該逆等焚燬兵房重爲修建不特糜費帑金且該逆等肆意刼掠之後仍得充補營兵無所懲誠必致日久復生反側成何事體方維甸所慮未免過當朕豈如此懦弱壞法養奸斷無此理斷無此事著傳旨申飭若資遣回籍一節從前剿平教匪時因從征鄉勇等打仗出力是以事竣後酌量資遣今該逆等倡謀滋擾不法已極卽曲爲寬貸亦

斷無資遣回籍之理其被脅難民亦祇須查明令其就近自行回籍早就寧居均無所用其資遣至所稱歸併營汛裁減兵額嗣後新兵事故均停其募補等語陝省各營新兵係因鄉勇等於平定教匪之後無可安置遂令列入營伍祇爲一時權宜之計今新兵竟敢相率謀叛不惟所遣名糧無庸添募並可將南山新設營汛酌行裁撤若仍須安

設營汛或竟全數移駐陳兵方爲妥善此時方維
甸自己遵照前旨馳赴德楞泰軍營惟應悉心會
議先將被裹難民省釋遣散此外曾經入伍食糧
隨同謀叛及遊匪隨賊抗拒官兵並各處軍流人
犯乘間脫逃者分別核辦按律定擬具奏德楞泰
務當趕緊籌辦並將善後事宜迅速商酌以期地
方永臻寧謐不可稍有延緩